

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

Zaključak

**o odbacivanju Prijave koncentracije privrednih subjekata Olvi Oyj Olvitie I-IV, Finland
i Altima UK Value Investments Limited Harbour Place, Cayman Island**

**Sarajevo
decembar, 2025. godine**



Broj: UP-04-26-1-027-7/25
Sarajevo, 29.12.2025. godine

Konkurencijsko vijeće Bosne i Hercegovine, na osnovu člana 25. stav (1) tačka e), člana 42. stav (2), a u vezi s čl. 12., 14. i 16. Zakona o konkurenciji («Službeni glasnik BiH», br. 48/05, 76/07 i 80/09), rješavajući po Prijavi koncentracije privrednog subjekta Olvi Oyj Olvitie I-IV, 74100 Iisalmi, Finland, zastupan od Advokatskog društva Marić & Co iz Sarajeva, i to advokatima Ezmani Turković i Džani Smailagić-Hromić, Mehmeda Spahe 26 Sarajevo, zaprimljenoj pod brojem: UP-04-26-1-027-1/25 dana 04.06.2025. godine, na 38. (tridesetosmoj) sjednici održanoj dana 29.12.2025. godine, je donijelo

Z A K L J U Č A K

1. Odbacuje se Prijava koncentracije privrednog subjekta Olvi Oyj Olvitie I-IV, 74100 Iisalmi, Finland, zastupan od Advokatskog društva Marić & Co iz Sarajeva, i to advokatima Ezmani Turković i Džani Smailagić-Hromić, koja se odnosi na kupovinu 100% udjela privrednog društva Banjalučka pivara d.o.o. Banja Luka, od privrednog subjekta Altima UK Value Investments Limited Harbour Place, George Town, Cayman Island u smislu člana 14. stav (1) Zakona o konkurenciji.
2. Podnosilac prijave je na ovaj Zaključak dužan platiti administrativnu taksu u iznosu od 1.000,00 KM, u korist Budžeta institucija Bosne i Hercegovine.
3. Ovaj Zaključak bit će objavljen u «Službenom glasniku BiH», službenim glasilima entiteta i Brčko Distrikta Bosne i Hercegovine.

O b r a z l o ž e n j e

Konkurencijsko vijeće Bosne i Hercegovine (u daljem tekstu: Konkurencijsko vijeće BiH) je, dana 11.09.2025. godine pod brojem: UP-04-26-1-027-1/25, zaprimilo Prijavu koncentracije podnosioca Olvi Oyj Olvitie I-IV, 74100 Iisalmi, Finland (u daljem tekstu: Olvi ili Podnosilac prijave) koja se odnosi na kupovinu 100% udjela privrednog društva Banjalučka pivara d.o.o. Banja Luka Slatinska 8, 78000 Banja Luka, Bosna i Hercegovina, (u daljem tekstu: Banjalučka pivara) od privrednog subjekta Altima UK Value Investments Limited Harbour Place, 103 South Church Street, George Town, Grand Cayman KYI – 1106, Cayman Island, kao Prodavca (u daljem tekstu: Altima), u smislu člana 12. stav (1) tačka b) Zakona o konkurenciji („Službeni glasnik BiH“, br. 48/05, 76/07 i 80/09 - u daljem tekstu: Zakon).

Konkurencijsko vijeće je dana 30.09.2025. godine od Podnosioca zatražilo dopunu Prijave zahtjevom broj: UP-04-26-1-027-2/25, a što je Podnosilac i dostavio podneskom broj: UP-04-26-1-027-3/25 dana 07.10.2025. godine.

Podnosioci Prijave su, u smislu člana 30. stav (2) Zakona, naveli da nemju namjeru podnijeti zahtjev za ocjenu koncentracije ovlaštenim tijelima izvan Bosne i Hercegovine

Konkurencijsko vijeće je iz Prijave utvrdilo sljedeće činjenice:

Nakon kompletiranja dokumentacije, utvrđeno je da je Prijava podnesena, u smislu člana 16. stav (1) Zakona i da je ista potpuna u smislu člana 30. Zakona, te je Podnositelju dana 18.12.2025. godine izdana potvrda o kompletnosti Prijave broj: UP-04-26-1-027-6/25.

Konkurencijsko vijeće je iz Prijave utvrdilo sljedeće činjenice:

1. Učesnici koncentracije

Učesnici koncentracije su privredni subjekt Olvi Oyj Olvitie I-IV, 74100 Iisalmi, Finland i privredni subjekt Altima UK Value Investments Limited Harbour Place, 103 South Church Street, George Town, Grand Cayman KYI – 1106, Cayman Island.

1.1. Privredni subjekt Olvi

Privredni subjekt Olvi je dioničko društvo sa sjedištem na adresi Olvitie I-IV, 74100, Iisalmi, Finska, osnovano u skladu sa zakonima Finske, pod registracijskim brojem: 0170381-9.

Pretežne registrovane djelatnosti privrednog subjekta Olvi su proizvodnja i prodaja sladnih malt napitaka, bezalkoholnih pića, mineralnih voda, cidera, drugih alkoholnih i bezalkoholnih pića, kao i raznih prehrambenih proizvoda.

Podnositelj prijave je dio Olvi Grupe, koja uključuje jednu pivaru u Estoniji, dvije u Latviji, jednu u Litvaniji, te po jednu u Danskoj i Bjelorusiji. Olvi Grupa također posjeduje kompaniju Servaali Oy, koja vodi uvoz, prodaju i marketinške aktivnosti za premium pića u Finskoj, kao i Helsinki Distilling Company.

Privredni subjekt Olvi nema registrovanih povezanih privrednih subjekata u Bosni i Hercegovini.

1.2. Privredni subjekt Altima

Privredni subjekt Altima je društvo sa sjedištem na adresi Harbour Place, 103 South Church Street, George Town, Grand Cayman KYI – 1106, Cayman Island, osnovano u skladu sa zakonima Kajmanskog ostrva, pod identifikacijskim brojem društva: 139986.

Privredni subjekt Altima je privredno društvo osnovano isključivo za sticanje i držanje udjela i kontrole nad društvom Banjalučka pivara d.o.o. Banja Luka, te se stoga ne bavi nikakvim drugim poslovnim djelatnostima osim investiranja.

Povezano društvo privrednog subjekta Altima u Bosni i Hercegovini je privredni subjekt Banjalučka pivara d.o.o. Banja Luka Slatinska 8, 78000 Banja Luka, Bosna i Hercegovina.

1.2.1. Privredni subjekt Banjalučka pivara d.o.o. Banja Luka

Privredni subjekt Banjalučka pivara d.d. Banja Luka, sa sjedištem na adresi Slatinska 8, 78000 Banja Luka, Bosna i Hercegovina, osnovanog u skladu sa zakonima Bosne i Hercegovine, i upisana u Registar Okružnog privrednog suda u Banja Luci pod matičnim brojem 1-29-00 i ugovorenim kapitalom u iznosu od 5.403.467,00 KM koji je u 100% vlasništvu privrednog subjekta Altima.

Pretežna registrovana djelatnost Banjalučke pivare je proizvodnja i prodaja piva.

Banjalučka pivara je registrovana za proizvodnju pića, pri čemu je njena osnovna djelatnost proizvodnja i prodaja piva. Njen najpoznatiji proizvod je Nektar pivo. Međutim, u okviru brenda Nektar, proizvode i Nektar Light, Nektar Radler, Nektar bez filtera, te brendove Banjalučko pivo, Crni Đorđe, Baraba i Kastel. Banjalučka pivara je značajna regionalna pivara koja proizvede više od 132 miliona litara piva godišnje, te pored proizvodnje i prodaje piva u BiH, izvozi svoje proizvode u 14 zemalja regiona, Evrope, kao i u SAD.

2. Pravni okvir ocjene koncentracije

Konkurencijsko vijeće u postupku ocjene koncentracije primijenilo je odredbe Zakona, Odluke o utvrđivanju relevantnog tržišta («Službeni glasnik BiH», br. 18/06 i 34/10), te Odluke o načinu podnošenja prijave i kriterija za ocjenu koncentracija privrednih subjekata («Službeni glasnik BiH», broj 34/10).

3. Pravni osnov i oblik koncentracije

Pravni osnov koncentracije je Ugovor o kupoprodaji i prenosu udjela, koji je zaključen ^{1*}.

U skladu sa podacima dostavljenim u Prijavi, pravni oblik predmetne koncentracije je sticanje kontrole privrednog subjekata Olvi nad privrednim subjektom Banjalučka pivara kupovinom većine dionica ili udjela osnovnog kapitala, a u skladu sa članom 12. stav (1) tačka b) pod 1. Zakona.

4. Relevantno tržište učesnika koncentracije

Relevantno tržište koncentracije, u smislu člana 3. Zakona, te čl. 4. i 5. Odluke o utvrđivanju relevantnog tržišta, čini tržište određenih proizvoda/usluga koje su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta u proizvodnom smislu obuhvaća sve proizvode i/ili usluge koje potrošači i/ili korisnici smatraju međusobno zamjenjivim, pod prihvatljivim uslovima, imajući u vidu posebno njihove bitne karakteristike, kvalitet, uobičajenu namjenu, način upotrebe, uslove prodaje i cijene.

Nadalje, prema članu 5. Odluke o utvrđivanju relevantnog tržišta, relevantno tržište u geografskom smislu obuhvaća cjelokupan ili dio teritorija Bosne i Hercegovine na kojem privredni subjekt djeluje u prodaji i/ili kupovini relevantnog proizvoda pod jednakim ili dovoljno ujednačenim uslovima i koji to tržište bitno razlikuje od uslova tržišne konkurencije na susjednim geografskim tržištima.

¹ Podaci predstavljaju poslovnu tajnu u skladu sa članom 38. Zakona

Relevantno tržište proizvoda, uzimajući u obzir da ne postoji preklapanje poslovnih djelatnosti učesnika koncentracije na tržištu Bosne i Hercegovine uzima se kao tržište na kojemu posluje Ciljno društvo, pa se prema tome kao relevantno tržište proizvoda određuje tržište proizvodnje i prodaje piva.

Uzevši u obzir da privredni subjekt Banjalučka pivara svoje proizvode prodaje na čitavoj teritoriji Bosne i Hercegovine, kao relevantno tržište u geografskom smislu u predmetnom postupku smatra se tržište Bosne i Hercegovine.

Prema svemu navedenom kao relevantno tržište predmetne koncentracije smatra se tržište proizvodnje i prodaje piva u Bosni i Hercegovini.

5. Obaveza prijave koncentracije

Obaveza prijave koncentracije postoji ukoliko su ispunjeni uslovi iz člana 14. stav 1) pod a) i b) Zakona, odnosno ako ukupni prihod svih učesnika koncentracije ostvaren prodajom roba i /ili usluga na svjetskom tržištu iznosi 100.000.000,00 KM po završnom računu u godini koja je prethodila koncentraciji i da ukupni godišnji prihod svakog od najmanje dva privredna subjekta učesnika koncentracije ostvaren prodajom roba i /ili usluga na tržištu Bosne i Hercegovine iznosi najmanje 8.000.000,00 KM, ili ako je njihovo zajedničko tržišno učešće na relevantnom tržištu veće od 40%.

Ukupni godišnji prihodi privrednih subjekata učesnika koncentracije za 2024. godinu, kao godinu koja je prethodila koncentraciji, u skladu sa članom 14. Zakona su sljedeći:

Tabela 1.

	Olvi	Altima	Banjalučka pivara
Svijet	(**) KM	(**) KM**	(**) KM***
Bosna i Hercegovina	(**) KM*	—	(**) KM***

Izvor: Podaci iz Prijave

* Prihod ostvaren prodajom koktela sa niskim sadržajem alkohola svom distributeru, Frutela d.o.o. Banja Luka,

** Prihod ostvaren indirektnim putem preko Ciljnog društva i njegovog subsidijarnog društva Banjalučka pivara doo Beograd, Srbija

***Prihod Banjalučke pivare od (**) KM i (**) KM predstavlja prihod privrednog subjekta Altima na svjetskom tržištu od (**) KM

Na osnovu ostvarenog godišnjeg prihoda učesnika koncentracije (Tabela 1.) na dan 31.12.2024. godine nije proizašla obaveza prijave koncentracije, jer ukupni prihodi svakog od najmanje dva privredna subjekta učesnika u koncentraciji ostvareni na tržištu Bosne i Hercegovine ne iznose najmanje 8.000.000,00 KM, u smislu člana 14. stav (1) pod b) Zakona o konkurenciji.

Tržišno učešće učesnika koncentracije i njihovih glavnih konkurenata na relevantnom tržištu proizvodnje i prodaje piva na području Bosne i Hercegovine:

Tabela 2.

Red. br.	Privredni subjekt	Učešće na tržištu
1.	Molson Coors BH d.o.o. Banja luka	(**)
2.	Carlsberg BH d.o.o. Sarajevo	(**)
3.	Heineken Internacional B.V.	(**)
4.	Sarajevska pivara d.d. Sarajevo	(**)
5.	Tuzlanska pivara d.d. Tuzla	(**)
6.	Bihaćka pivara d.d. Bihać	(**)
7.	Podnosilac prijave	(**)
8.	Ciljno društvo	(**)
9.	Ukupno učesnici koncentracije (7+8)	(**)
10.	Ukupno:	(**)

Prema podacima prikazanim u Tabeli 2. privredni subjekt Banjalučka pivara ima tržišni udio u Bosni i Hercegovini od (**) %, dok Podnositelj prijave nije aktivan na relevantnom tržištu u Bosni i Hercegovini, pa prema navedenim podacima nije ispunjen ni uslov o zajedničkom tržišnom udjelu na relevantnom tržištu od 40%, a koji bi bio uslov za Prijavu koncentracije

6. Ocjena prijave koncentracije

Konkurencijsko vijeće je u postupku ocjene podnesene Prijave, kao i dostavljene dokumentacije, utvrdilo kako ne postoji obaveza prijave koncentracije u skladu sa članom 14. stav (1) Zakona.

Uzimajući u obzir navedeno Konkurencijsko vijeće je odlučilo kao u dispozitivu ovoga Zaključka.

7. Administrativna taksa

Podnosilac prijave na ovaj Zaključak, u skladu sa članom 2. stav (1) tarifni broj 108. tačka c) Odluke o administrativnim taksama u vezi s procesnim radnjama pred Konkurencijskim vijećem («Službeni glasnik BiH», br. 30/06 i 18/11) dužan je platiti administrativnu taksu u iznosu od 1.000,00 KM, u korist Budžeta institucija Bosne i Hercegovine.

8. Pouka o pravnom lijeku

Protiv ovog Zaključka nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objave ovog Zaključka.

Predsjednica

Ninela Salihbašić

Dostaviti:

- Podnositelju prijave
- u spis